

兵三百、退半日程而舍、令曰、人齎三夫糧、鷄鳴而發、詰旦反襲海野、取之、獲源心、時城中兵皆歸營、眷事其在者、廝養厯數十、故不能格云、

○甘利左衛之屬有米倉彦二、松山之役、鉛丸洞腹、血盈腹且死、或言服驄馬矢可以下血、乃調湯而進焉、彦曰、傷不可為也、而猶啗牛馬糞、人其謂我愛命也、弗服、左衛聞之、趨而造焉、曰、重傷而愛命者、真更効力于主也、可謂忠矣、取湯親嘗而授之、彦喜而咽焉、血下而瘥、昔日創意製竹盾者、丹波彦之父也、

燭篇第八

江都強盜發、榜購之百金、數月弗獲、會防州至、自京師諸老詢之、防州命別造小榜、夜建其旁、曰、賞不多、故不敢告也、金更倍焉、請謹告、明日盜魁過而視之、意其黨所為也、懼即自首、於是黨而悉獲、

○六鄉橋兩國橋、舊是舟渡、商旅頗苦之、空印當軸、命造二橋、或疑其失嶮、空印曰、有邦者以人為城、人

疾矣何以守邦即恃水禦人江城不可一日而守也

雜篇第九

元在各篇者篋中錯落喪密尤者或歸于是篇煩後人之整頓

細川氏之盛諸將燕語有言為君使而途遭父讎奈

之何兵之則廢君事不兵則忘親矣座莫有答者

賴之甫十歲在坐隅乍曰有父讐者不當仕官

受祿而已仕者當納祿矣滿坐絕倒此暗與禮

經合可謂奇矣宜乎其光輔弘濟垂偉績也玄

旨之話云

○僧明兆善画應永中幕府延兆畫壁既而勞賜金

帛辭而不受固問其所欲兆乃請悉伐寺中花樹東

福寺至于今無花樹

○慶長十九年大風春日祠樹折千章朝廷震懼

照后時老于駿河天子使人詢焉照后荅曰春

日詞不修久矣頽圯不少今樹幸自折請取而修治

為

○昭后嘗謂侍臣曰人而不知其行故君臣乖父子離

世之禍亂職此之由夫使人知其行莫若經典也遂命廣壽梓吾邦印板之盛蓋昉於此

○關原之役賀師屠大聖寺城獲台玄蕃初玄蕃新受封而未撫其民民有六郎左者被驅在城中執兵乘陴其豎權介請曰城已破矣主將死諸曰無恩無怨與食焉者同死為厚耳然敵既克城欲免而得乎權顧而西指焉曰敵皆獲馘而赴于中軍主盍斬我首提而出其孰識之六郎左弗肯曰汝無罪權亦自刺而死乃如其言得脫

○明之遺民歸化者有數焉梅溪其一也梅溪後客于紀紀公尊禮之公嘗乘怒戮小臣適梅溪入為公方以衣拭刀死屍橫前公怒未収卒然問曰子之邦亦有人君親戮人與對曰開闢以來唯聞二人二人為誰曰其一曰桀其一曰紂公默然自是不復親戮以梅溪之力也或以此為那波道圓之對未知是非○紀公好啖河豚貴戚大臣莫不諫焉皆弗聽最後

國之老以死諫爭公乃召庖人而問焉河豚之有毒可徵乎庖人曰然皮膚骨節皆有涎不然豈敢薦焉公曰善為我烹其最毒者取死囚一人食之即死公於是始絕焉不復啖河豚

○周世宗毀天下銅佛像以鑄錢曰吾聞佛說以身世為妄以利人為急使其真身尚在苟利於世猶欲割截况銅像豈有所惜哉寬文中國老豆州建議毀大像其言与此符蓋非蹈襲者

○太公使侍臣講漢書至酈生說封六國後奮起曰弗解弗解及留侯借箸止之乃曰當然當然心与石勒同

○國老會議但州与雅樂議不合色方厲事殆不測和州在側從容曰吾荷先君之恩每念而弗措但為怒氣所奪有時乎忘之哀哉因泣下數行二公慙而怒叙議竟克協

○醫員玄朔有人譽其子賢材玄朔曰否否但不至

於樊畜禽鳥而已矣。

○賀州行殿中監久二隨焉時篤禁方嚴殿閣之際
汰尤峻偶過茶豎曹前聞焉久二請留而推焉賀
州弗應行且語曰恭喜恭喜吾子何日遷官久二愕
然荅曰但無遷故在于此賀州笑曰我知吾子為君
之目官矣未知其轉為鼻官也久二汗霑弗能言

昔人言左丘喪明而有國語吾未識其真假也
議者乃謂著撰亦無目者所宜殆虛語矣是特
睹其外而不知其內語其理而弗察其情也嗟
談何容易蓋無目者思深而情無所伸則發溢
為辭譬如魚之沸於山莫之能禦也余少壯患
眼老而益甚雖未至轉倒玄黃而与矇眛為伍百
爾游玩凡關乎目者無為也則目之用廢久矣
獨文辭之業下種既深芟除而復萌黃焉若著
躬之疾雖余也莫知其所以也若斯編乃其絃
然流而下者噫後之人唯無目者其能知余情

2194

傳書山史

我

文化紀元九日

幽人識